

闽越①王无诸及越东海王摇者，其先皆越王句践之后也，姓骆氏。②秦已并天下，皆废为君长，以其地为闽中郡。③及诸侯畔秦，无诸、摇率越归鄱阳令吴芮，所谓鄱君者也，从诸侯灭秦。当是之时，项籍主命，弗王，④以故不附楚。汉击项籍，无诸、摇率越人佐汉。汉五年，复立无诸为闽越王，王闽中故地，都东冶。孝惠三年，举高帝时越功，曰闽君摇功多，其民便附，乃立摇为东海王，⑤都东瓯，⑥世俗号为东瓯王。

注①集解韦昭曰：“闽音武巾反。东越之别名。”索隐案：说文云“闽，东越蛇种也”，故字从“虫”。闽音旻。

注②集解徐广曰：“骆，一作‘骆’。”索隐徐广云一作“骆”，是上云“欧骆”，不姓骆。

注③集解徐广曰：“今建安侯官是。”索隐徐广云“本建安侯官是”。案：为闽州。案：下文“都东冶”，韦昭以为在侯官。正义今闽州又改为福也。

注④集解汉书音义曰：“主号令诸侯，不王无诸、摇等。”

注⑤集解应劭曰：“在吴郡东南滨海云。”

注⑥集解徐广曰：“今之永宁也。”索隐韦昭曰：“今永宁。”姚氏云：“瓯，水名。”永嘉记：“水出永宁山，行三十余里，去郡城五里入江。昔有东瓯王都城，有亭，积石为道，今犹在也。”

后数世，至孝景三年，吴王濞反，欲从闽越，闽越未肯行，独东瓯从吴。及吴破，东瓯受汉购，杀吴王丹徒，以故皆得不诛，归国。

吴王子驹亡走闽越，怨东瓯杀其父，常劝闽越击东瓯。至建元三年，闽越发兵围东瓯。东瓯食尽，困，且降，乃使人告急天子。天子问太尉田蚡，蚡对曰：

“越人相攻击，固其常，又数反复，不足以烦中国往救也。自秦时口弗属。”

于是中大夫庄助诘蚡曰：“特患力弗能救，德弗能覆；诚能，何故口之？且秦举咸阳而口之，何乃越也！今小国以穷困来告急天子，天子弗振，彼当安所告愬？

又何以子万国乎？”上曰：“太尉未足与计。吾初口位，不欲出虎符发兵郡国。”

乃遣庄助以节发兵会稽。会稽太守欲距不为发兵，助乃斩一司马，谕意指，遂发兵浮海救东瓯。未至，闽越引兵而去。东瓯请举国徙中国，乃悉举觡来，处江淮之闲。①

注①集解徐广曰：“年表云东瓯王广武侯望，率其觡四万余人来降，家庐江郡。”

索隐徐广据年表而为说。

至建元六年，闽越击南越。南越守天子约，不敢擅发兵击而以闻。上遣大行王恢出豫章，大农韩安国出会稽，皆为将军。兵未踰岭，闽越王郢发兵距险。其弟余善乃与相、宗族谋曰：“王以擅发兵击南越，不请，故天子兵来诛。今汉兵觡强，今口幸胜之，后来益多，终灭国而止。今杀王以谢天子。天子听，罢兵，固一国完；不听，乃力战；不胜，口亡入海。”皆曰“善”。即縱①杀王，使使奉其头致大行。大行曰：“所为来者诛王。今王头至，谢罪，不战而耘，②利莫大焉。”乃以便宜案兵告大农军，而使使奉王头驰报天子。诏罢两将兵，曰：“郢等首恶，独无诸孙繇君丑③不与谋焉。”乃使郎中将立丑为越繇王，奉闽越先祭祀。

注①索隐刘氏又音窗。縱，撞也。

注②集解徐广曰：“汉书作‘殒’。耘义当取‘耘除’。或言耘音于粉反，此楚人声重耳。陨耘当同音，但字有假借，声有轻重。”索隐耘音云。耘，除也。

汉书作“陨”，音于粉反。

注③索隐繇音摇，邑号也。丑，名。

余善已杀郢，威行于国，国民多属，窃自立为王。繇王不能矫其觡持正。天子闻之，为余善不足复兴师，曰：“余善数与郢谋乱，而后首诛郢，师得不劳。”

因立余善为东越王，与繇王并处。

至元鼎五年，南越反，东越王余善上书，请以卒八千人从楼船将军击吕嘉等。

兵至揭扬，以海风波为解，不行，持两端，阴使南越。及汉破番禺，不至。是时楼船将军杨仆使使上书，愿便引兵击东越。上曰士卒劳倦，不许，罢兵，令诸校屯豫章梅领待命。①

注①集解徐广曰：“在会稽界。”索隐案：徐广云“在会稽”，非也。今案：

豫章三十里有梅岭，在洪崖山足，当古驿道。此文云“豫章梅岭”，知非会稽也。

正义括地志云：“梅岭在虔化县东北百二十八里。”虔州汉亦属豫章郡，二所未详。

元鼎六年秋，余善闻楼船请诛之，汉兵临境，且往，乃遂反，发兵距汉道。号将军驺力等为“吞汉将军”，入白沙、武林、①梅岭，杀汉三校尉。是时汉使大农张成、故山州侯齿②将屯，弗敢击，却就便处，皆坐畏懦诛。

注①集解徐广曰：“在豫章界”。索隐徐广云在豫章界。案：今豫章北二百里，接鄱阳界，地名白沙，有小水入湖，名曰白沙坑。东南八十里有武阳亭，亭东南三十里地名武林。此白沙、武林，今当闽越入京道。

注②集解徐广曰：“成阳共王子。”

余善刻“武帝”玺自立，诈其民，为妄言。天子遣横海将军韩说出句章，①浮海从东方往；楼船将军杨仆出武林；中尉王温舒出梅岭；越侯为戈船、下濑将军，出若邪、②白沙。③元封元年冬，咸入东越。东越素发兵距险，使徇北将军守武林，败楼船军数校尉，杀长吏。楼船将军率钱唐辕终古④斩徇北将军，为御儿侯。⑤自兵未往。

注①索隐郑氏音勾，会稽县也。正义句章故城在越州鄞县西一百里，汉县。

注②索隐案：姚氏云“地名，今阙”。

注③正义越州有若耶山、若耶溪。“若”“如”一。豫州有白沙山。盖从如此邪。白沙东故闽州。

注④正义钱唐，杭州县。辕，姓；终古，名。

注⑤集解汉书音义曰：“今吴南亭是也。”正义“御”字今作“语”。语儿乡在苏州嘉兴县南七十里，临官道也。

故越衍侯吴阳前在汉，汉使归谕余善，余善弗听。及横海将军先至，越衍侯吴阳以其邑七百人反，攻越军于汉阳。从建成侯敖，①与其率，从繇王居股谋曰：“余善首恶，劫守吾属。今汉兵至，觴强，计杀余善，自归诸将，侥幸得脱。”

乃遂俱杀余善，以其觴降横海将军，故封繇王居股为东成侯，②万户；封建成侯敖为开陵侯；③封越衍侯吴阳为北石侯；封横海将军说为案道侯；封横海校尉福为繚嫫侯。④福者，成阳共王子，故为海常侯，坐法失侯。旧从军无功，以宗室故侯。诸将皆无成功，莫封。东越将多军，⑤汉兵至，□其军降，封为无锡侯。

注①集解徐广曰：“亦东越臣。”

注②索隐韦昭曰：“在九江。”

注③索隐徐广云：“敖，东越臣。”韦昭云：“开陵属临淮。”

注④集解汉书音义曰：“音辽綦。”索隐服虔云：“嫫音荣，县名。”刘伯庄云：“繚音辽，下音纡营反。成阳王子也。”

注⑤集解汉书音义曰：“多军，名也。”索隐李奇云：“多军，名。”韦昭云：

“多，姓；军，名也。”

于是天子曰东越狭多阻，闽越悍，数反复，诏军吏皆将其民徙处江淮闲。东越地遂虚。

太史公曰：越虽蛮夷，其先岂尝有大功德于民哉，何其久也！历数代常为君王，句践一称伯。然余善至大逆，灭国迁觴，其先苗裔繇王居股等犹尚封为万户侯，由此知越世世为公侯矣。盖禹之余烈也。

【索隐述赞】句践之裔，是曰无诸。既席汉宠，实因秦余。驹、骆为姓，闽中是居。王摇之立，爰处东隅。后嗣不道，自相诛锄。

-----

YOUTH 整理

[上一页](#)

[下一页](#)